

言禪宗和尚亦云寧可將身墮地獄不將佛法做人情鍾離  
真人云三清祕密之事忘言忘象無聞無應恐子之志不篤  
而學不專心不甯而問不切彼此各爲無益

此而若有輕言言者聞者皆有天責

言者犯漏泄天機之罪聞者犯無德無志不足以載道凡欲  
學道必先持齋戒精勤參悟奏告上帝帝命仙度而亦有成  
如有不奏告而敢私相授受者則泄道及竊道之罪尤速矣

三元品誡經云或得仙經妙法妄傳非人之罪傳授經法  
不爲宿奏諸天盟告五帝三官不合儀典之罪或妄解經義  
不合聖心並屬天官三十六度風刀之考又云洩漏神仙祕

道藏輯要

仙佛合宗語錄

矣

畢集一  
X川X

術寶藏靈書之罪或妄造經論毀謗玄元聖道之罪並屬三  
元靈曹考之

前聖有犯已獲禁誡之報者詳傳記中久矣

茅君曰華僑漏泄天文妄說虛無乃今父子被考於水官張  
紫陽真人三傳非人三遭天譴李虛菴真人輕言于葉莫二  
人之非者遂有大便痢血三年之責而葉莫皆以病死

而可不知天律禁重哉然而後世真心悟道者出吾又不知恐  
其無以爲辨有慈悲救世者出吾又恐其無徵不能見信故必  
留此一語以爲綱目以待後來聖真之憤悱者

二問曰古云聖人傳藥不傳火從來火候少人知

此二句薛道光詩也又方便真人云聖人傳藥不傳火神仙  
祕易不祕難

今更聞藥有不傳之祕而聞之果不聞其世人之有此聞是聞  
之信有前因主之也

此言藥之不傳者今得聞之果與世人之所說所聞者不同  
而我獨得聞亦是從前累劫積修有功之因而得聞也不然  
世之願學者亦多而亦皆不聞  
而火之不傳又何以言之

此正詳問火候不傳之祕

答曰火候最要自悟

道藏輯要

仙佛合宗語錄

卷

畢集一  
川文八

自悟者卽不敢輕言之意亦不徒口說耳聞而已是必專心  
勤苦實實用功求必知其候之精妙處必行之合于精妙之  
機必得其精妙真火候之所証果若不合于如是則墮落在  
外道邪法行氣之類矣所以馬自然遇張紫陽之後有自悔  
闢邪之言曰道人拜了千千個盡是行氣並咽唾搖筋擺骨  
至三更使得渾身汗如水也有生也有死也有世人皆如此  
有文學齋長周南餘武學秀才胡茂元同在道隱齋中問之  
曰行火候亦若行氣降重樓亦若咽唾于此二者計如何辨  
仙道與邪門之所以異答曰仙道借呼吸有形者爲火候以  
行先天元炁之無形者而有形之火亦同歸于無形方是精

妙自然若邪門單行呼吸以有形爲事故必致有病何以爲病升提太遲重則提爲邪火其病頭暈病目赤腫翳障病咳嗽痰火病癰腫等症若降下而遲重則逼沉粗氣貫入腎子爲疼病偏墜病腹脹等病症上下兩病皆致人速死故大異於仙道也仙道降重樓者是元炁返還而降歸根非嚙唾也唾者口之精有形之物亦非無形元炁者比然元炁降歸炁穴則有補炁養神之果唾津嚙至脾肚而歸于濁溺無証果者此亦正邪之大異者

悟其順時合則

時者子午卯酉之四時春夏秋冬之四時日中之四時有沐

道藏輯要

仙佛合宗語錄

奕

畢集一

浴沖和之候此則之宜順而合者年中之四時有木火金水之和法以和而爲沖此亦則之宜順而合者故參同契云四時順宜與炁相得則者是法則

非言之所可罄也

言語出于口舌必不能盡說心之妙悟以口心本是一故也亦非言之所能肖也

肖者相似之文雖明言之猶是屬于口而浮於外終不似心悟卽是實得

夫火何以不可罄不可肖也且言火所當起之候隨藥生之候故然矣

火起之候名曰子是合我身中之生機當活用以虛比爲子者以周十二時也若天時夜半之子非仙家金丹之用乃旁門邪法所用者然火子固活用亦不能自起必因藥生了則起火採而鍊故云隨藥生爲起候亦所謂有藥方能造化生也故火必因有藥而後可起餘無藥時起火不得又必以起時稱活子故藥生亦因火生之子而皆稱爲活子以藥生而卽火生之故也

於其火藥同用之機有兩情相知之微意固同用不同用歟果相知不相知歟未可言其似也

同用者卽以神馭炁也神行則炁行神住則炁住神炁合一

道藏輯要

仙佛合宗語

堯

畢集一

而不相離也于此必要相知方是真得不離若神爲徒用不知有炁是不能馭炁若炁爲徒用不知有神爲主是不能隨神如是皆不相知則悖同用之機不同用則金木間隔矣如炁同神用炁卽可證長生不死之本神同炁用神卽爲神通超劫之主果同用則必長生果不同用則不脫凡夫死亡輪轉果用而相知是真同用不相知是不真同相知者神知氣合一而隨之卽凝神歸入氣穴不相知者神行而不知炁隨行炁神住不知炁隨住否或氣行而神反止之爲不知或氣住而神反馳之爲不知如是則神炁二者依舊爲二不成採取烹鍊築基養胎化神之理

文柔之候用進而升剛武之候用退而降

俞玉吾云丹法先以文升後以武降

文不過柔武不過剛

文武法必當適中合乎自然過柔則似不及過剛則似太過剛而變柔柔而變剛

文完則必用武武完則必用文當柔不變柔則傷過矣當剛不變剛傷不及矣皆屬勉強必不可差毫髮循環變化以完

周天

升而不離二炁降而能順四時

神當升時則先天元炁及後天呼吸炁相隨以升而不離為

道藏輯要

仙佛合宗語

卅

畢集一  
川人上二

採取也卽心息相依神當降時則二炁隨時之凝而歸于二炁之根以日中四時合于年中四時順春夏秋冬四時之令而和其沖融薰沐之妙于烹鍊

前此聖真之所已言者抑曾以是為言乎而謂胎息又豈可易言乎

古聖皆巧喻並不如上文之真語神炁妙用唯此語中一字一句皆發前聖之未言不似已言者之為喻上加喻使後學于小周天且不能明其大周天為科禁律戒之尤重者上界仙真不肯易言在世聖師又豈敢輕忽而易言之乎後學文豈得易聞乎

此固小周天之妙理也中亦有合大周胎息理者何為胎息其肇始也結胎之息從無入有而實若無於不息中而或暫有有無兼用之際也

結胎者成化神入胎之初也神馭元炁及呼吸氣歸于炁穴之根而為胎得此住定謂之胎結然炁穴中自從元炁及呼吸炁皆發散于外而為人生日用直至于今則此中本無了胎中之息於此時而歸復幻化作有息以凝神住炁故曰從無入有若執為實有息而強制為息相則墮外道邪說旁門之妄舞弄後天者矣真仙道則入有不見有息故曰若無即所謂有不著有不空而空也不息者入于有息而為胎雖入

道藏輯要

仙佛合宗語錄

主

畢集一  
X。II

有猶妙似于不息故曰不息此上上天仙聖真胎息之妙相也不同意外道旁門之不息由強制為不息者比然極致時亦暫有息少循其屈伸之理不至如旁門強制不息者之散漫故此曰真胎息即道一禪師所謂未有住而不行者然有而必無無而必有故曰有無兼用

其既也

末後之時

脫胎之息從有人無矣而實無無息中而靜定寂滅此正所謂無餘涅槃者也

從有者即從入為有息之胎乃不息之定息為有息是有定

息也非曰有呼吸之息如凡夫浩浩然者比諸我上文所說實若無也由若無而至實無故曰入無而實無則滅盡息而得大定謂之滅盡定矣然無息而或不能盡無息猶是有餘涅槃言尚有餘息未滅盡及息無而至寂滅滅已至大定而常在大定方可陽神出見而出定爲無餘涅槃之實証也必至如是爲真成陽神真出定卽華嚴經云謂如來出現者是也

夫以不息之功爲胎謂之萬法歸一矣有一在則爲目之所易見心之所易知亦猶可易言易傳者也卽金剛經所謂云何應住佛言應如是住菩薩但應如所教住者是也

道藏輯要

仙佛合宗諸錄

卷

八  
畢集一

不息爲胎者是以胎中之息爲法而求證無息也昔人問胎息蕭紫虛真人答曰能守真一則息不往來謂心歸一息而住定既定于一往來自無若有往來是二非一謂常見也唯有一胎息在也而目必見此心必知此所謂萬法歸一者歸此也所謂歸依法者歸此也是爲真胎息故楞嚴經佛云若不識知心目所在則不能得降伏塵勞故金剛經言應住卽言住心住息爲道胎覺肩也卽言悟佛知見入佛知見習學禪定者之必然者故如是直言心必依真息三昧而定住則不住于六塵而生迷惑其六根應當住如是正定而成正覺也由是佛得住定法而成佛亦卽以住定法垂教于世菩薩

修佛時華嚴經已云菩薩住佛所住故于金剛經又言菩薩  
欲要修佛應當如佛所垂教而住即能住佛所住亦能成佛  
所證

以無息大定而圓胎則一又歸於無矣

此言滅盡定所証陳泥丸云虛心凝神得神氣俱定息不往  
來謂之大定趙真人法語云真火本無候時人休強猜要知  
端的意無去亦無來

無者無其先天後天之二炁也

元炁及呼吸炁二者俱得到既無是炁証大定矣

無其心之生滅動靜之環也

道藏輯要

仙佛合宗語錄

卷

三

畢集一

凡夫之心有生後有滅動而有靜相為循環不已修行人既  
已得大定全無生滅動靜循環即性證寂滅矣

無其六脈而性真寂滅盡定也

陳泥丸云我昔工夫行一年六脈已息炁歸根正言十月關  
中之實証也六脈者兩手寸關尺共六部脈也脈住由于息  
能先住息雖住必至滅盡而後脈住故華嚴經云二禪息住  
三禪脈住四禪滅盡定者言息與脈俱滅盡定也

故重陽真人云也無滅也無增不生不滅沒昇騰

沒昇騰者住而不行滅盡定後景象即世尊不起于座之義  
金剛經亦云菩薩于法應無所住行于布施



了心必先依法而住心既住矣若不捨法而久住法則法又縛心同于六塵之縛心俱爲不了之心如何得常樂我淨故云必勿住法而施捨其法

如藏經亦云恒以淨念住無上覺

淨念者不生不滅之念既不住塵妄所不住法之念也無上覺者佛覺極上圓滿之覺再無可上得住于此則證最上上乘矣卽靈光耀古今之極證也

又云安住寂靜諸禪定智人不死道者是也

安住寂靜者佛言大定而常定于無餘涅槃自然且常樂也禪定智者卽定中之真覺也安定禪定正覺人于不死之道

道藏輯要

仙佛合宗語錄

七

畢集一

故能不死此世尊當時所實證者是如此後世僧人竟不知佛證不死不信佛証不死掃去禪定而不修皆甘心死亡成空亡斷見

無之見目有所妙其見無之知心有所妙其知

此證入佛知見爲心目所在之極證妙見者不見色不見空離所見而若見妙知者無思議之所知離所知而若知證到于此無知見無佛之地是爲真歸于無者矣

而謂無之無知見也不可何也嫌于晦昧非妙覺也

無者是無有爲之法無有見執之相卽真空也知見者是正覺之正知見非世法及凡夫執相之知見非外道斷空之知

見也當入無之時用佛法正覺之正知見以入定而后始能無若無正知見則無入者之主宰則是神不能凝烝穴不能入不能圓滿胎神而出定墮在晦昧無知之空亡不成正覺晦昧者黑暗不明之義喻人之無知妙覺者卽正覺之精妙處証入洞虛玄妙之境于無天地時覺猶獨在覺道圓滿而超劫者是也覺旣圓滿卽是妙覺由始覺本覺而至非別有所至所以覺道必由仙佛正知見以入以成故曰無知見也不可故陳泥丸云無心無念神已昏安能凝聚成胎仙而謂無之不可知見也不可何也嫌于不知所以復性真之體也

道藏輯要

仙佛合宗語錄

卷

畢集一

無者心之無生滅以定息至無出入而俱無也無生滅則無妄覺而有正覺之所至無出入則無妄動而有禪定之真寂靜方是真無無出入故有寂定無生滅則有覺照如是者唯有佛知見者能之故云不可說不知見若世之邪人誑語自稱知仙佛妄言不可知見只因不知寂而常照之義是不住正覺將何者名爲仙名爲佛蓋正覺原是我性真之體人人心中本所自有人必由正覺知見而復見性體性體卽是仙佛彼皆不知仙佛正理反要無了正覺知見便是墮頑空矣何以復性真之體而成仙佛所以彼皆不成超劫正果爲大錯矣內祕真藏經云大乘之道離一切相離一切行覺法空

寂覺無所覺寂無所寂無覺而覺無寂而寂名無上道  
若此者

總上文以知覺知見成正果義

皆妙悟深入密修密証而可致言者乎

密修證者至精妙之大用悟到至精妙之地故曰妙悟道藏  
內妙法蓮華真經云不滯有無永絕生滅是名真人

予斯多言猶是摹寫粗迹之教言也猶非心悟所到之萬一也  
言語只能少言其似心悟則能妙合其宜

予勿執此火傳便自以聞為得以知為得也

傳火則言之必淺心悟則入之必深聞言若止徒知不若心

道藏輯要

仙佛合宗語錄

矣 畢集一

悟之深入

唯決烈精勤以實悟修之萬幸萬幸

三問曰直論中所云當吸機之闔我則轉而至乾以六升不降  
當呼機之闔我則轉而至坤以六降不升此旨玄深實不能測

願再詳之

言行火之機當在吸之時順吸機而至乾乾為天為首位在  
上故曰升不降非全然不降以滅闔闔乃不重于降而重于  
升只見升不見降也當機在呼則順呼機而至坤坤為地為  
腹位在下故云降不升非全不升但輕其升若無而專重于  
降只見有降不見有升也